

ACTIVIDADES dousmildoce 2012

ÍNDICE

QUÉ É O CES

COMPETENCIAS

FUNCIÓNS

COMPOSICIÓN E ESTRUCTURA

OS MEMBROS DO CES

ÓRGANOS

REUNIÓN DOS ÓRGANOS COLEXIADOS

PROCEDEMENTOS. CÓMO FUNCIONA O CES

XESTIÓN ECONÓMICO-ADMINISTRATIVA

ORZAMENTOS DO CES EN 2011

TRABALLOS APROBADOS

ACTIVIDADE INSTITUCIONAL

QUÉ É O CES

O Consello Económico e Social é un organismo consultivo da Xunta de Galicia en materias socioeconómicas. Creado pola Lei 6/1995, do 28 de xuño, o CES configúrase como foro permanente de diálogo e deliberación entre os axentes económicos e sociais e a Xunta de Galicia coa finalidade de facer efectiva a participación destes axentes na política socioeconómica da Comunidade Autónoma.

O CES de Galicia foi creado pola devandita Lei 6/1995, do 28 de xuño, en aplicación do previsto no artigo 9.2 da Constitución española e nos artigos 4.2 e 55.4 do Estatuto de Autonomía de Galicia, para facilitar a participación de tódolos galegos na vida política, económica e social e atender a aspiración dos axentes económicos e sociais de que as súas opinións e propostas podan ser tidas en conta no proceso de adopcións de decisións por parte do Executivo autonómico.

No CES está representado un amplo número de organizacións socio-profesionais, entidades e asociacións de todo tipo -desde os sindicatos ás Universidades, dos pescadores aos consumidores-, o que lle confire o seu especial carácter de foro permanente de diálogo e deliberación entre a sociedade civil organizada e a Xunta de Galicia para o exercicio da súa función consultiva. Este labor aplícase non só á actividade normativa gubernamental, senón mesmo á elaboración, por iniciativa propia, de estudos e informes que conteñan propostas encamiñadas a unha eventual introducción de reformas nas políticas públicas aplicadas aos diferentes sectores de actividade.

O Consello é un organismo independente do Executivo autonómico. Na súa composición, a diferenza do que acontece con órganos homólogos doutras comunidades, non figura ningún representante do Goberno.

O ámbito obxectivo para o exercicio das funcións atribuídas ao Consello Económico e Social son as materias socioeconómicas directamente vencelladas ao desenvolvemento económico e social de Galicia, en concreto as relativas á economía, fiscalidade, emprego e seguridade social, agricultura e pesca, educación e cultura, saúde, consumo, medio ambiente, transporte e comunicacións, industria e enerxía, vivenda e integración europea.

O presidente da Xunta de Galicia é o encargado de solicitar do Consello a emisión de ditames ou informes de carácter preceptivo sobre anteproxectos de lei, proxectos de decretos lexislativos ou plans xerais ou sectoriais. Cando un departamento ou consellería competente entenda que un proxecto non require ditame preceptivo, deberá xustificar, coa correspondente memoria explicativa, a non remisión do mesmo a este organismo.

COMPETENCIAS

O ámbito obxectivo para o exercicio das funcións atribuídas ao Consello son as materias socioeconómicas directamente vencelladas ao desenvolvemento económico e social de Galicia, en concreto as relativas á economía, fiscalidade, emprego e seguridade social, agricultura e pesca, educación e cultura, saúde, consumo, medio ambiente, transporte e comunicacións, enerxía e industria, vivenda e mercado único europeo.

Queda fóra deste ámbito de competencias e eido das relacións laborais, atribuído en exclusiva ao Consello Galego de Relacións Laborais.

FUNCIÓNS

Entre outras funcións, o CES emite **ditames** preceptivos sobre anteproxectos de lei e proxectos de decretos lexislativos que regulen materias socioeconómicas directamente vencelladas ao desenvolvemento económico e social de Galicia. Tamén pode ser consultado facultativamente para outros asuntos ou materias non comprendidas no apartado anterior.

O Consello tamén elabora **informes**, por iniciativa propia ou a petición da Xunta, sobre a realidade socioeconómica da Comunidade ou sobre plans o programas de desenvolvemento da mesma. Nese eido, pode dar a coñecer ao Goberno a súa opinión sobre a execución destes plans.

A participación en **mesas sectoriais** xunto con representantes da Administración é outra das funcións do CES.

A Lei recolle tamén a obriga de elaborar anualmente e remitir ao Consello da Xunta unha **Memoria** sobre a situación económica e social de Galicia. Este traballo pode incluír opinións e recomendacións sobre as políticas gubernamentais.

COMPOSICIÓN E ESTRUCTURA

O Consello Económico e Social está formado por 35 membros: tres grupos de 11 membros, máis a presidenta e o secretario xeral.

- Grupo I: Os seus once membros son designados polas organizacións sindicais en función da súa representatividade. Neste momento, 4 membros corresponden a UGT-Galicia, 3 membros á Confederación Intersindical Galega e 4 membros representan a Comisións Obreiras de Galicia.
- Grupo II: Corresponde ás organizacións empresariais con capacidade representativa. Os seus once membros son designados pola Confederación de Empresarios de Galicia.
- Grupo III: Acolle diversas entidades e asociacións. O sector agrario conta con catro representantes (segundo a representatividade obtida nas últimas eleccións agrarias, 2 membros de Xóvenes Agricultores, 1 de Unións Agrarias e 1 do Sindicato Labrego Galego); 2 membros do sector marítimo pesqueiro, designados polas Confrarías de Pescadores; 2 membros en representación do Consello Galego de Consumidores e Usuarios; e 3 representantes das Universidades galegas.

Cada membro ten un suplente para cubrir as súas eventuais ausencias ás reunións de traballo.

Os membros son nomeados para un período de catro anos, aínda que poden ser substituídos antes da finalización do seu mandato polas entidades que os designaron.

OS MEMBROS DO CES

A composición do plenario do CES é variable, xa que os membros poden ser substituídos polas súas organización en calquera momento do seu mandato por circunstancias diversas. Tendo en conta esta precisión, e dado que unha composición actualizada en cada momento pode consultarse na páxina web do Consello, publicamos nesta Memoria de actividades os membros do Pleno do CES a 31 de decembro de 2012 (titulares e suplentes) que, organizados por grupos e segundo a organización á que pertencen, son os que seguido se relacionan:

Presidenta	María Corina Porro Martínez
Secretario xeral	Juan José Gallego Fouz

MEMBROS TITULARES

MEMBROS SUPLENTES

Grupo 1.- Organización sindicais

Sindicato UGT-Galicia

José Carlos Rodríguez del Río
Delia Irene Martínez Conde
Carmen Brea Iglesias
Ernesto Fontanes Blanco

Eladio A. Romero Ares
Rosa Arcos Caamaño
Domingo Barros Montáns
Mar Alfonsín Madrigal

CIG (Confederación Intersindical Galega)

Manuel Currás Meira
Fernando R. Acuña Rúa
Natividade López Gromaz

Héctor López de Castro
Xavier Rodríguez Fidalgo
Margarida Corral Sánchez

Sindicato Nacional CC.OO. de Galicia

Clara Gamarra Lozano
Maica Bouza Seoane
Xesús Ángel Castro Baamonde
Ascensión Esteban Ceballos

Adela Poisa Baños
José Manuel Lago Peñas
Auri Vázquez Estraviz
Xesús Penedo Pallas

MEMBROS TITULARES

MEMBROS SUPLENTES

Grupo 2.- Organizacións empresariais

Confederación de Empresarios de Galicia

Fausto Santamarina Fernández
 Antón Arias Díaz Eimil
 Javier Martínez López
 José Luis Veiga Corral
 Eugenio Geijo Carril
 Ángel Hermida Lage
 María de Miguel Pérez
 José Manuel Fernández Alvariño
 Francisco Serna Gómez
 Carlos González Fernández
 Juan B. Salle Barreiro

José Antonio Neira Cortés
 Verónica Val Vázquez
 José Ramón Franco Caaveiro
 José Manuel Rodríguez Tarrío
 José Manuel Maceira Blanco
 Alejandro Prada Baceiredo
 Marta Amate López
 Rafael Serrano Hernández
 Araceli de Lucas Sanz
 Ángel Fernández Presas
 Ana Belén Vázquez Eibes

MEMBROS TITULARES

MEMBROS SUPLENTES

Grupo 3.- Outras entidades e asociacións

Unións Agrarias de Galicia

Pedro González Boquete

Alba Torreira Puga

Sindicato Labrego Galego

Isabel Vilalba Seivane

Xosé Pérez Rei

Xóvenes Agricultores

Antonio de María Angulo

Manuel D. Fontela Ríos

Juan Pérez Sánchez-Orozco

Francisco Bello Bello

Confrarías de Pescadores de Galicia (Baixura)

Evaristo Lareo Viñas

Jesús Ramón Longueira Suárez

Confrarías de Pescadores de Galicia (Marisqueo)

José Antonio Gómez Castro

Francisco Javier Martínez Durán

Consello Galego de Consumidores e Usuarios

Miguel López Crespo

Otilia Novegil Villanueva

Rosa Celia Otero Raña

María Josefa Neira González

Universidade da Coruña

Ángel S. Fernández Castro

Gustavo Rego Veiga

Universidade de Santiago

Sara Cantorna Agra

M^a Lourdes Batán Aira

Universidade de Vigo

Xosé Henrique Vázquez Vicente

Juan C. Surís Regueiro

ÓRGANOS

A participación efectiva dos membros no traballo do CES artéllase a través de distintos órganos colexiados: o Pleno, a Comisión Permanente e as Comisións Sectoriais. O Consello conta tamén con dous órganos unipersonais, a Presidenta e o Secretario Xeral.

O **Pleno** é o órgano de goberno do Consello. Está composto polos seus 35 membros, todos con dereito a voto agás o secretario xeral. O Pleno establece as liñas xerais de actuación do Consello e organiza o seu funcionamento interno, aproba os ditames, estudos ou informes, decide a elaboración doutros traballos e aproba tamén a Memoria sobre a situación económica e social de Galicia.

A **Comisión Permanente** é o órgano colaborador do Pleno no goberno do CES. Está composta polo presidente, o secretario xeral e nove membros titulares, tres de cada un dos grupos que o compoñen. Entre as súas funcións destaca a supervisión das actividades do organismo e a coordinación dos traballos das diferentes comisións. A Comisión Permanente eleva ao Pleno canto estima necesario para o mellor funcionamento do Consello.

As tarefas cotiás de elaboración de informes e ditames están adscritas ás **comisións sectoriais**, grupos de traballo de nove membros que manteñen a representación proporcional do Pleno (con tres membros de cada un dos grupos do plenario). O CES funciona con catro comisións sectoriais especializadas por ámbitos:

- **CS-1:** Economía, emprego e sectores produtivos
- **CS-2:** Sector público e benestar social
- **CS-3:** Desenvolvemento rexional
- **CS-4:** Memoria socioeconómica de Galicia

A **presidenta** representa ao Consello e dirixe as súas actuacións, ademáis de velar polo bo funcionamento do mesmo.

O **secretario xeral** é o órgano de asistencia técnica e administrativa do CES e o depositario da fe pública dos seus acordos.

PROCEDEMENTOS. CÓMO FUNCIONA O CES

O ámbito das funcións atribuídas ao Consello Económico e Social de Galicia, coorresponde ás materias socioeconómicas directamente vencelladas ao desenvolvemento económico e social de Galicia, un amplo abano de actividades que teñen incidencia na vida cotiá das galegas e galegos.

Segundo o acordo tomado polo Consello da Xunta na súa reunión do día 18 de febreiro de 1999, *“enténdese por materias socioeconómicas as relativas a economía, fiscalidade, emprego e seguridade social, agricultura e pesca, educación e cultura, saúde, consumo, medio ambiente, transporte e comunicacións, industria e enerxía, vivenda e mercado único europeo”*.

• O procedemento externo

O procedemento establecido para que o Goberno galego solicite a actuación consultiva do CES foi definido tamén polo Consello da Xunta na devandita sesión, nos seguintes termos:

“1.- Correspóndelle ao Presidente da Xunta solicitar do Consello Económico e Social de Galicia a emisión de ditames ou informes sobre anteproxectos de lei, proxectos de decretos legislativos e plans xerais ou sectoriais a que se refire o artigo 5.1.1. da Lei 6/1995, do 28 de xuño, así como aqueles outros dos que a solicitude teña carácter preceptivo.

2.- Os departamentos ou consellerías con competencias para a elaboración dos anteproxectos, proxectos e plans sinalados no apartado 1 deste acordo, cando fose preceptivo o informe do Consello Económico e Social de Galicia, de acordo coa súa lei de creación, interesaranos do presidente da Xunta.

A petición de dictames irá acompañada de toda a documentación necesaria para se poder pronunciar.

3.- Cando os departamentos ou consellerías competentes estimen que os anteproxectos, proxectos ou plans a que se refire o punto 1 deste acordo non requiren ditame preceptivo do CES-Galicia, xustificarán o dito extremo mediante a incorporación

ao expediente dunha memoria, asinada polo secretario xeral, na que se precisen as razóns polas que non se considera preceptivo o ditame, salvo no caso de que este finalmente se interese.”

• Procedementos internos

O seu Regulamento de Réxime Interno, aprobado polo Pleno na súa sesión de 29 de abril de 1996 (DOG do 11 de xuño de 1996) e modificado polo Pleno na sesión de 9 de marzo de 1999 (DOG do 24 de marzo de 1999) e na sesión de 22 de febreiro de 2001 (DOG do 15 de marzo de 2001), regula os procedementos internos do Consello, tanto o procedemento xeral como os distintos procedementos específicos.

- **Procedemento xeral:**

O procedemento xeral iníciase, unha vez recibida a petición de elaboración dun ditame, coa remisión da mesma por parte do presidente do Consello ao presidente da comisión sectorial competente segundo o asunto de que se trate. Á vez, notifícase esa remisión á Comisión Permanente e, por extensión, en virtude dun acordo plenario, a todos os membros do CES.

Unha vez recibido o encargo, no que se fixan tamén os prazos máximos para o remate do traballo, a comisión sectorial organiza o seu labor do xeito que considera máis oportuno, sempre contando co apoio dos servizos técnicos do Consello, en particular do Centro de Documentación e do Gabinete Técnico. Se se estima necesario, pode contar co asesoramento de expertos externos.

Unha vez rematado o traballo e redactada unha proposta de ditame (os informes ou estudos iniciados por propia iniciativa seguen un proceso similar, agás na súa orixe), entrégaselle ao presidente do CES, que é o encargado de envialo á Comisión Permanente como paso previo á convocatoria do Pleno. Nalgún caso, e previa delegación do Pleno, a propia Comisión Permanente pódese encargar da aprobación dalgún dos traballos do Consello.

No caso de que a aprobación corresponda ao Pleno (que é o habitual), a Comisión Permanente limitarase a coñecer o texto remitido pola comisión sectorial e convocar a celebración da sesión plenaria. Antes da data sinalada para a mesma, os membros do Consello poden presentar as enmendas que estimen oportunas ao texto propos-

to. Se se trata de enmendas totais, éstas deben ir acompañadas dun texto alternativo.

O Pleno debate o texto elaborado pola comisión sectorial e mais as posibles enmendas, que, sometidas a votación, son incorporadas ou non. Finalizado o debate, o texto final sométese tamén a votación para a súa aprobación.

Se non se acadara unha maioría suficiente, o texto podería volver a remitirse á comisión sectorial para a súa remodelación segundo os parámetros expresados na sesión. Se, polo contrario, a maioría dos membros do Pleno vota a favor do texto, o procedemento remata coa inclusión do resultado e os posibles votos particulares na resolución aprobatoria e a remisión do texto final á Xunta de Galicia.

- Procedementos específicos:

Cada un dos traballos que aborda o Consello Económico e Social de Galicia ten o seu propio procedemento específico de elaboración aprobado pola Comisión Permanente, que son lixeiras variacións respecto a este esquema xeral para adaptalo ás características concretas dos informes, ditames, informes-opinión ou a Memoria socioeconómica.

XESTIÓN ECONÓMICO-ADMINISTRATIVA

• Organigrama técnico-administrativo

Para o cumprimento dos seus fins, o Consello Económico e Social de Galicia conta cunha estrutura de técnicos e persoal de administración, formada por nove traballadores, que se organiza en distintos departamentos.

- O **Gabinete Técnico** é o encargado da elaboración dos traballos preliminares para a redacción dos informes e ditames do Consello, cunha descrición e análise pormenorizada do obxecto do estudo. Está composto por dous expertos economistas. O Gabinete aporta as referencias estatísticas necesarias para os traballos, as analiza e prepara unha proposta da parte descriptiva do informe para a súa posterior avaliación por parte das Comisións Sectoriais.

O seu labor céntrase na redacción da memoria anual sobre a situación económica e social de Galicia e dos distintos informes e ditames que, por propia iniciativa ou a petición da Xunta de Galicia, elabora o Consello, previas ás consideracións, que son aportadas polos distintos membros da comisión sectorial competente.

- O **Centro de Documentación** e apoio ao Consello é o encargado de proporcionar ás Comisións Sectoriais, á Permanente e, no seu caso, ao Pleno do CES todos os datos que precisen para a correcta elaboración dos seus traballos. Tamén pon a disposición dos membros do Consello fondos e recursos documentais, en calquera lugar no que se atopen, na máis ampla gama de soportes. Xestionar eses fondos dunha maneira rápida e áxil é o fin último do Centro de Documentación do CES-Galicia.

O función do responsable do Centro de Documentación e apoio ao Consello é facilitar aos seus membros e ao Gabinete Técnico os materiais bibliográficos e documentais que podan necesitar para as súas reunións e para unha axeitada toma de decisións.

O Centro ofrece información especializada na área socioeconómica aos membros do CES-Galicia e ao persoal técnico deste. Internet é nunha ferramenta básica para o traballo do departamento desde hai varios anos.

- O responsable do **Departamento de Xestión** encárgase de todas as funcións de xestión presupostaria e contable, da contratación de servizos e suministros, do seguimento das obras, reformas e mantemento das instalacións e, dun xeito destacado, da xestión de recursos humanos do organismo.

- As tarefas de exteriorización da actividade do organismo artéllanse no **Gabinete de Comunicación**. Dunha banda, este departamento é o encargado, baixo a coordinación e con dependencia funcional do secretario xeral, do seguimento do proceso dos procedementos que ten en marcha o Consello e o cumprimento dos prazos establecidos pola lei para o seu remate. As relacións cos membros do Consello son parte fundamental do labor diario. Por outra banda, o gabinete é o responsable das relacións externas, das relacións cos medios de comunicación e da coordinación das publicacións do CES, entre elas a presente memoria.

Entre as súas responsabilidades inclúese nos últimos tempos, en coordinación co Centro de Documentación, o contido da páxina web do Consello, na que estamos a incluír, nunha área privada para os membros, todo o material documental necesario para o desenvolvemento das distintas sesións das comisións sectoriais.

- O responsable da unidade de **Administración da rede informática**, que depende orgánica e funcionalmente do Centro de Documentación, encárgase do deseño e mantemento dos sistemas de información e novas tecnoloxías do Consello, así como da crecente aplicación das mesmas ao traballo diario e mais á relación cos seus membros. Tamén está a traballar no soporte técnico da páxina web do Consello.

- Tres **auxiliares administrativos** técnicos auxiliares en informática, que dependen organicamente do Departamento de Xestión e funcionalmente dos responsables das áreas ás que están adscritos, realizan o apoio administrativo necesario no desenvolvemento das actividades propias do Consello.

UN ANO DE ACTIVIDADES

O resumo das actividades do Consello Económico e Social de Galicia no ano 2012 recolle os documentos aprobados (ditames e memoria socioeconómica), as reunións celebradas polos seus órganos colexiados e a importante actividade institucional desenvolvida nestes doce meses. Como sempre, información máis polo miúdo pode consultarse na nosa web.

Documentos aprobados

Os documentos aprobados en 2012 foron os que se relacionan de seguido. Todos eles poden ser consultados a texto completa na nosa web, na sección de publicacións ou mesmo a través do buscador.

- Ditame sobre o proxecto de Decreto polo que se adaptan diversos organismos autónomos ás previsións da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.
- Ditame 1/12, sobre o anteproxecto de Lei de montes de Galicia.
- Ditame 2/12, sobre o anteproxecto de Lei de vivenda de Galicia.
- Ditame 3/12, sobre o anteproxecto de Lei de transporte público de persoas en vehículos de turismo.
- Ditame 4/12, sobre o anteproxecto de Lei de impulso e ordenación das infraestruturas de telecomunicacións de Galicia.
- Ditame 5/12, sobre o anteproxecto de Lei de inclusión social de Galicia.
- Ditame 6/12, sobre o anteproxecto de Lei de estradas de Galicia.
- Memoria sobre a situación económica e social de Galicia 2011.

Número de sesións celebradas polos órganos colexiados

Pleno	6 sesións
Comisión Permanente	8 sesións
Comisión sectorial nº 1	9 sesións
Comisión sectorial nº 2	6 sesións
Comisión sectorial nº 3	3 sesións
Comisión sectorial nº 4	9 sesións

Traballos abordados polas distintas comisións sectoriaisCS-1, Economía, emprego e sectores produtivos

o Elaboración do ditame sobre o anteproxecto de Lei de montes de Galicia.

o Elaboración do ditame sobre o anteproxecto de Lei de transporte público de persoas en vehículos de turismo.

o Elaboración do ditame sobre o anteproxecto de Lei de impulso e ordenación das infraestruturas de telecomunicacións de Galicia.

CS-2, Sector público e benestar social

o Elaboración do ditame sobre o anteproxecto de Lei de vivenda de Galicia.

o Elaboración do ditame sobre o anteproxecto de Lei de inclusión social de Galicia.

CS-3, Desenvolvemento rexional

o Elaboración do informe territorial sobre Vigo e a súa área (aínda en fase de redacción)

o Elaboración do ditame sobre o anteproxecto de Lei de estradas de Galicia.

CS-4, Memoria socioeconómica de Galicia

o Aprobación da Memoria sobre a situación económica e social de Galicia 2011.

Principais asuntos tratados nas sesións plenarias

Pleno 1/12 - Aprobación do ditame sobre o anteproxecto de Lei de Montes de Galicia.

- Medidas de axuste presupostario.

Pleno 2/12 - Aprobación do ditame sobre o anteproxecto de lei de vivenda de Galicia.

- Aprobación do ditame sobre o anteproxecto de lei de transporte público de persoas en vehículos de turismo.

- Acordo sobre petición de comparecencia diante do CES dun representante do Goberno en relación co anunciado proceso de fusión deste organismo e o Consello Galego de Relacións Laborais.

Pleno 3/12 - Delegación na Comisión Permanente da aprobación do ditame sobre o anteproxecto de lei de inclusión social de Galicia.

- Aprobación do ditame sobre o anteproxecto de Lei de impulso e ordenación das infraestructuras de telecomunicacións en Galicia.

Pleno 4/12 - Aprobación da Memoria sobre a situación económica e social de Galicia 2011.

Pleno 5/12 - Acordo de resposta do Consello ao escrito recibido do Grupo Parlamentario Popular do Parlamento de Galicia propoñendo a creación do Consello Económico Social e Laboral de Galicia.

Pleno 6/12 - Aprobación do ditame sobre o anteproxecto de Lei de estradas de Galicia.

- Aprobación do orzamento do CES-Galicia para o ano 2013.

Mellora da organización interna

Na mellora da organización interna, creouse unha nova páxina web con contidos renovados e cunha área reservada especificamente aos membros do CES. Puxemos en marcha un rexistro informatizado de entrada e saída de documentación e estamos a traballar na creación dun arquivo único de documentos do CES. Asinamos un convenio de colaboración coa EGAP que permite a participación dos membros do CES en distintas actividades organizadas pola dita institución. E destaca tamén outro convenio en materia de formación asinado coa Universidade de Santiago de Compostela polo que o Consello acolle a estudantes en prácticas para ultimar a súa preparación.

Nova web

O CES-Galicia conta cunha web totalmente anovada, na que é moito máis doado seguir a actualidade da institución e acceder a todos os seus documentos,

Conta ademais cunha “área privada” para facilitar a comunicación cos membros e os distintos grupos de traballo.

Actividade institucional / RTA

• Encontro anual de CES autonómicos.

O habitual encontro anual dos CES autonómicos tivo lugar en Bilbao os días 19 e 20 de abril, coa participación da presidenta e mais o secretario xeral do Consello.

• Colaboración coa RTA

O CES-Galicia participa activamente na Rede Transnacional Atlántica (RTA) de consellos económicos e sociais da fachada atlántica continental. A presidenta do Consello é tamén vicepresidenta da organización, e participou en varias reunións do seu Comité de Orientacións (nas cidades galas de Burdeos e Limoges).

Pola súa relevancia, os aspectos desta colaboración merecen a súa propia sección na web. Toda esa información pode consultarse [AQUÍ](#) [enlace a O CES en Europa]

Froito desta participación en 2012 foi a actualización do estudo desta organización sobre o transporte marítimo, que foi coordinado polo membro do CES-Galicia en representación da Universidade de Vigo, Juan C. Surís Regueiro, coa colaboración do Gabinete Técnico do Consello.

Este documento foi aprobado polo Comité de Orientacións da RTA na súa sesión do 21 de novembro, celebrada en Limoges, na que participaron a presidenta e máis o secretario xeral do CES-Galicia. Galicia colaborou tamén na actualización doutros dous estudos sobre enerxía marinas renovables e sobre seguridade marítima, coordinados por outras rexións membros do CES.

O traballo sobre o transporte marítimo trata de presentar unha visión global sobre os portos e este modo de transporte no marco das prioridades e obxectivos estratégicos establecidos tanto para o conxunto da Unión Europea (“Europa 2020”) como para as rexións atlánticas (“Estratexia marítima para a zona do océano Atlántico”). Definidas as novas orientacións estratéxicas para o desenvolvemento do transporte da UE (Libro blanco do transporte e Orientacións da RTE-t), trátase de responder á

pregunta ¿cómo articular os portos das rexións atlánticas no contexto desa rede europea?

O CES tivo tamén ocasión de participar nos traballos conxuntos sobre a chamada Estratexia Atlántica, que tiveron como obxectivo elaborar e presentar un documento ao CES europeo como contribución da RTA en relación á estratexia macrorrexional para o espazo atlántico.

Coordinados polo CES de Aquitania, os distintos consellos autonómicos e rexionais participantes na rede enviaron observacións coas que se elaborou un primeiro borrador. O CES-Galicia estivo representado a nivel técnico na reunión de debate, celebrada en París.

- Convenio coa EGAP

Segundo o convenio de colaboración asinado recentemente coa Escola Galega de Administración Pública (EGAP), ésta oferta ao Consello a colaboración en distintas actividades das que habitualmente desenvolve a Escola.

A colaboración inclúe a posibilidade de que os membros do CES publiquen artigos relacionados coas súas tarefas no Consello tanto na revista “Administración & Cidadanía” como na REGAP. Tamén se ofrece aos membros do CES a posibilidade de participar como ponentes en diferentes xornadas que figuran no calendario de actividades da EGAP para 2012.

- Actos na sede o CES-Galicia

Dentro da habitual política de colaboración institucional con outras entidades, o CES-Galicia cedeu a súa sede para a celebración de varias xornadas e reunións, entre as que poden salientarse as seguintes:

- 21 febreiro: xornada de Medio Ambiente
- 5, 6 e 15 de xuño: reunións do Consello Galego de Relacións Laborais.
- 21 de xuño: acto da Dirección Xeral de Planificación e Fondos Estructurais.
- 14 setembro: acto da Secretaría Xeral de Turismo.
- 4 e 5 de outubro: reunión sobre sanidade animal da Consellería do Medio Rural.

- 16 e 17 de outubro: conferencia sobre federalismo e descentralización en España, do grupo universitario Rede.
- 30 outubro: acto Universidade A Coruña.

